

疆
邦
華
夏

秋聲詩餘目錄

水調歌頭

木蘭花慢

滿江紅

水龍吟

摸魚兒

酹江月

天仙子

金縷曲

禾

10

秋聲詩餘

華亭 衛宗武 淇父

水調歌頭自適

風雨捲春去紅紫總無餘窈窕一川芳渚軟草接新蒲
楊柳垂垂飄絮桑柘陰陰成幄殷綠正繁敷遷木鶯呼
友營壘燕將雛金蕉舉珠樓累豆梅腴壽鄉歌舞樽
前暫得皺眉舒往事南柯印綬晚歲北山杖履寂寞笑
金吾幸作耆年侶寫入洛英圖

摸魚兒小園晚春

小林巒一年芳事亂紅還又飛雨生香冉冉花陰轉雲
擘滿空晴絮游宴處看樂意相關庭下胎仙舞歌聲緩

度任圓玉敲寒飛觴傳曉未許放春去
閒中趣明月清風當戶莘莘容屋陳俎
翦裁妙語頻賡唱巧勝郢斤般斧心自
許拚凋景頽齡爲鶯儔燕侶同盟會取其
花下小車竹間三徑長作老賓主

前調疊前韻

見春來又將春盡狂風那更癡雨一番
芳徑催人老回首綠楊飄絮歡會處有小
池亭正欠妙歌舞光陰梭度對草木幽姿
候禽雅奏客至未應去十年裏令落翟公
庭戶朋來草草樽俎投閒贏得浮生樂肯
羨油幢繡斧春幾許任洛譜名葩留宴耆
英侶浮榮競取縱帶玉圍腰印金繫肘爭
似鶯花主

木蘭花慢和野渡賦菊

聚林園芳景盡輸韓圃陶籬任雨虐風饗露凝霜壓叢
木離披正色幽香不減與冬蘭竝秀結心知天賦花中
名節不教桃李同時清奇秋後尤宜浮卉盡尙芬菲
稱處士庭除先生簡冊聲續吾伊便好竹間松下擅晚
芳長伴歲寒姿懶恨攜樽已晚明年來把花枝

酹江月山中霜寒有作

露華凝聚夜更長寒壓一牀衾重局縮龜藏燈幌悄明
滅銀缸欲凍鼻觀流珠肌紋浮粟敲枕難成夢明蟾交
映一窗清影梅弄曉見黃隕丹空但瓊華點綴萬梢
森聳橘柚香來分好景書後儘堪題送青女呈工玉妃

傳信漸六霽飛動瑞花盈盡看看疊嶂銀湧
前調和友人催雪

暮雲凝凍聳玉樓撚斷冰髯知幾今歲天公慳破白未
放六英呈瑞瘞馬發祥妖麋應禱終解從人意臘前三
白瑤光一瞬千里便好剪刻漫空落花飛絮滾滾隨
風起莫待東皇催整駕點點消成春水巧思裁雲新詞
勝雪引動眉閒喜欺梅壓竹看看還助吟醉

滿江紅寓古杭和南塘詠欲雪詞

屑玉飛霰正堪稱馮夷展布空幾度癡雲凝聚狂風掀
舞點點拋揚珠作霰纖纖斷續絲垂雨借銀河剪刻六
花飄天應許水漠漠斜橋渡煙淡淡長亭路望寒莎

衰柳總成愁緒坡老新堤須好在逋仙孤嶼猶堪去共
尋梅止欠雪雙清煩青女

前調壽野渡

弧矢開祥喜從此句兼九日新歲改椒盤獻頌齊頭七
十漸入唐人諸老畫可追洛社耆英集有陶潛三徑健
吟哦貧而適摘仙桂探蟾窟斂洪藻歸麟筆總古先
傳記譏評得失不朽芬芳垂簡冊浮榮土苴輕簪笏看
年如衛武粲成章詩傳抑

天仙子前題

搭宅亭園雖不大花木成陰難論價豪端點綴有珠璣
竹一帶梅一派明月清風何用買子子孫孫紆壽綵

家慶成圖和藹藹更添三歲古來稀酒滿壺詩滿架直
到期頤年未艾

水龍吟和野渡生朝

桑蓬掃盡閒愁未應人比梅花瘦眉峰頓展恰如雲卷
北山□九縈錦繡腸袖絲綸手駸駸希有□□博取
巍科□□儒冠於我何有初度年來年去喜稱觴臘
前還又安時委命金魚玉帶儻來斯受傍屋園林撫松
對竹共明三壽且逍遙安樂窩中歲歲進長生酒

金縷曲壽南塘八月生朝

強半秋澄穆半月弦南極躔高壽星明煜今歲戶庭殊
舊歲洗盡閒愁千斛沸春夏歡聲相續藕已種成香滿

砌更薜華得偶顏如玉雙捧勸壽齊祝
郗枝芳映莊椿綠覺這番初度稱觴
柱增芬馥生子生孫從此始牘
有人傳祖笏看八座青氈須復兩兩
閨中俱秀質待子平婚嫁人人足碧
桃下跨青鹿

无

陵陽詞目錄

木蘭花慢

千秋歲

鷓鴣天

漁家傲

水調歌頭

念奴嬌

賀新郎

滿江紅

水調歌頭

[illegible]

陵陽詞

吳興 牟 獻 獻之

木蘭花慢餞公孫倅

山城如斗大君肯爲兩年留問讀易堂前
翛然松竹留得君不天邊乍傳消息趁春風
歸侍翠雲裘留取去思無限江離香滿汀洲
不妨無鱗有監州臭味喜相投怪底事朝來
驪歌催唱喚起離愁羨君戲衫脫卻一身
輕無事也無憂昨夜夢隨杖履道林岳麓同游

千秋歲壽黃倅

平分敏手更覺山城小聊岸幘時舒嘯當年
湓浦月偏照香山老頭未白而今半百纔踰九

半百過九年樂天詩也

共

說東園好問春餘多少紅藥晚金沙早花須風日耐人
看功名久催洗琰對花一笑爲君壽

鷓鴣天壽何簿乃尊

鳩杖龐眉鶴髮仙詩中有史筆如椽愛蓮自是平生趣
吟到梅花晚更堅珍九鼎食萬錢誰如有子綵衣鮮
蜀陳舊事君須記貴盛還當具慶年

漁家傲送張教

病枕逢逢驚曉鼓那堪送客江頭路莫唱驪駒催客去
風又雨花飛一片愁千縷折柳淒然無賸語加餐更
把簪衣護泥滑籃輿須穩度雲飛處親闌安問應旁午
水調歌頭壽洪雲巖

表海歸來後眠食喜清安身輕於鵲上下山北與山南
何必交梨火棗自是霜筠雪柏歲晚越堅完摩詰本無
病微笑指蒲團天有意留一老殿諸賢平生出處何
似試把二蘇看惟有黃門最貴沉是龐眉壽口九秩閱
人間持此爲公壽卽是壽元元

念奴嬌同前

山之天目蔚岩巖第一最佳泉石見說老龍高臥處正
擁深深寒碧獨闕雲扉人思霖雨未許無心出蒼崖赤
子而今誰爲蘇息昨夜涼透西風玉繩晚澹喜見歸
鴻入十二虛皇凝佇久飛下陸離宸畫繡直使名洪樞
銜位催綴新班立旂常婀娜要陪沙路清蹕

賀新郎同前

雲擁油幢碧睽蓬萊宿緣一紀竟須公出上界清高仙
地位耿耿爲民還切此自是平生願力雨後新飈涼如
濯喜湖山千里皆生色便乘此問閭闔殷勤好與摩
銅狄炯精神依然未老鶴標龜息造物生賢非無意偏
近中元時節試記取平園萊國況有盤洲當家樣酉年
秋拾級升樞極繼盛事看今日洪文安乾道乙酉六月
樞密八月參政九月兼

滿江紅壽趙樞密

七莢新春問底事以人爲日記貞觀鄭公恰至名因人
得況是今朝生上相老天著意尤端的便喚爲人曰豈